



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Petri De Dusburg, Ordinis Teutonici Sacerdotis, Chronicon
Prussiae**

Petrus <de Dusburg>

Francofurti ; Lipsiae ; Regiom. Pruss., 1679

Cap. CLXI. De Expugnatione duorum castrorum quorundam Feodatariorum
Terraе Colmensis, scilicet Hemsol & alterius.

urn:nbn:de:hbz:466:1-11850

*Hanno de Sangerhausen. VII. Mag. Gen. Ord. Teut.
Conradus de Tierburg IX. Mag. Provinc. in Prussia.*

blasphemo accidit sicut Heliodoro, qui cum vellet in templo divinum ærarium depraedari, occisus à DEO concidit in terram, & qui cum multis consortibus & satellitibus ingressus fuit, nullo sibi auxilium ferente, in sella gestatoria portabatur.

ANIMADVERSIO.

(a) Alii Kropff/ alii Kopff.

CAPUT CLXI.

De

Expugnatione duorum castrorum quorundam Feodatariorum Terra Colmensis, scilicet Hemsol & alterius.

POSTremo (a) Scumandus Sudovvitarum Capitaneus cum maximo exercitu Sudovvitarum & Pruthenorum terram Colmensis IX. diebus rapinâ & incendio vexavit. Infra quos IX. dies dum appropinquare cœpit Civitati Colmensi, quidam miles de Polonia dictus (b) Ninerik prædictam civitatem intravit, quam ipse miles promisit se ad manus dicti Scumandi traditurum. Undè dum visis hostibus cives mœnia ascenderent, ascendit & iste, sicut idem traditor dedit ei signum, sic una & altera vice sufflavit cornu suum, quò auditò cives perterriti dictum militem ceperunt, & comperto, quod voluit eos tradere, ipsum & filium suum cum uno famulo ante portam civitatis suspenderunt. Scumandus videns se deceptum, processit ad castrum (c) Hemsoth & ipsum potenter expugnavit, & XL. viros qui ad custodiam ejus deputati fuerant interfecit. Deinde castrum alterius feodarii militis, dicti (d) Cippel, potenter & hostiliter intravit, & occisis & captis omnibus inibi existentibus, utrumque castrum in cineres est conversum.

ANIMADVERSIO.

- (a) Alii legunt Stumandus ex confveta confusione literarum t. & c. ut dudum jam notavimus, legendum tamen esse Scumand non Stumand docet Jeroschinus, qui expresse scribit Skumand.
- (b) Codex Thoruniensis legit Niverik, addit tamen ab alii eum vocari WINRIK Jeroschinus quoque legit Nyverick.
- (c) Alii legunt Heymsfoht.
- (d) Idem Codex Thoruniensis habet Zippel. Jeroschinus, Zippfill.

CAP. CLXII.

De

Malitia Pruthenorum scientium linguam Teuthonicam.

HENRICUS (a) Monte Capitaneus Nattangiorum, & multi alii Prutheni, qui à pueritia nutriti fuerant circa fratres multa mala fecerunt tempore persecutionis hujus Populo Christiano, quia sæpissimè hoc accidit, quod quando exercitus infidelium pertransiit terminos fratrum, populus Christianus, qui ad castra confugere non poterat, in sylvis, rubetis & paludibus se occultavit, quod sentiens Henricus prædictus, assumptis sibi pluribus armigeris, accessit ad ea loca, ubi talia præsumebat, & habens verba pacifica in dolo ait voce Teutonica: si quis latitat hic exeat sine timore, quia exercitus infidelium jam recessit: cujus verbis dum fidem adhibendo exirent, ipse cum suis irruens in ipsos omnes cœperat vel occidit.

ANIADMVERSIO.

- (a) Henrici nomen ante hac in baptismo assumserat *Vid. Henneberg. pag. 13.*

CAP.